

յայտնապէս կ'ըսէ թէ Շահումեան մըն էր ան. «Եւ Մխիթար Արքայն անդրէն գրեաց զիր և յանձնեաց զՅարութիւնն (երրորդ դէմքով կը խօսի ինք իր մասին) ի Լիվոնոյ պարոն Զաքարին Շահումեանց» և թէ յառ ընկերը որուն հետ Վենետիկ պիտի գար՝ էր ինքը Ստեփանոս Շահումեան գօրավարը. «Ի նմին ժամանակի եկեալ էր յարեւելից պարոն Ստեփանն Շահումեանց, և էր ի տան պարոն Զաքարին (Շահումեանց) և կամէր գնալ ի Վենետիկ. ընդ սմա յուղի անկաւ յետ եօթն աւուրց (անշուտ նամակն առնելէն) և Յարութիւնն և հասին խաղաղութեամբ ի Վենետիկ (Հոկտ. 16). և զի այս պարոն Ստեփան էր անձն բարի յոյժ և սիրէր մեծապէս զՅարութիւնն, տարաւ զնա ընդ իւր ի տուն իւրեանց ի սանթա Մարիա Ֆորմոզա առ Պարոն Նահապետն Շահումեանց. և ոչ թողացուցեալ զնա գնալ նոյն օրին ի վանս՝ ցուցին առ նա սէր և գգուանս. զի և ծանօթ իսկ էր պարոն Նահապետն հօր Յարութիւնին¹». ևն. և կ'աւարտէ խօսքը թէ յաջորդ օրը Ս. Ղազար կը մտնէ Հոկտ. 17ին, և կը դասուի կարգը 12 ընկերներու²: Այսպէս ուրեմն Վենետիկ կը զրտնենք 1733ին Ստեփանոս Շահումեանը՝ մէկը Դաւիթ բէկի գօրավարներէն, ճիշտ երեք տարի վերջ այն ճակատագրական օրէն՝ երբ Սիւնեցիներու կամ Ղափանցիներու ներքին պառակտումներով ցիր ու ցան կ'ըլլար Հայ Մակարեան բանակը, որով և տխուր վերջաւորութեամբ կը մարէր Հայ ազատագրութեան համար վառուած սրբազան կրակը:

Ստեփան ալ անշուշտ շատ մը քաջերու պէս վշտահար յուսարեկ թողուց սուրն ու հրացանը և արցունքով հեռացաւ այն վայրերէն ուր այնքան հայ արիւն թափուած էր և այնքան յոյսեր օրօրուած, և եկած հոս՝ Վենետիկ երբեմնի քաջ գօրա-

կանը այժմ կ'ապրէր վաճառականի գործով իր արենակիցներուն հետ՝ Շահումեան ընտանեաց զիրկը:

Շահումեան ընտանեաց մտերիմ բարեկամութիւնը Մխիթարեան Միաբանութեան հետ — ինչպէս տեսանք Մխիթար Արքահօր և Հ. Յ. Թովմածանի վկայութիւններէն — բնականօրէն առիթ տուաւ որ Ստեփան իբրեւ ականատես վկայ և աջակից գօրավար՝ պատմէր մանրամասն Դաւիթ բէկի պատերազմները մեր Վարդապետներուն, որոնք իմաստուն զանուեցան զրի առնելու և ապագայ Հայ սերունդին կտակելու պատմական դրուագներ, ուր եթէ կան շատ դասեր և օրինակներ մեր ցեղի անօրինակ քաջութեան և զիւցազնութեան, միանգամայն կայ ոգրալի կէտ մը, այն է մեր անմխարանութիւնը որ կը ջնջէ քաջութեան և զոհողութեան ամէն պտուղ, որ սեւ կը ներկէ մեր ճակատագիրը:

Ահա այսպէս է որ ծագած են Վանքիս ձեռագրատունը զանուող Ա. գ, 620 թիւը կրող երկու գրչագիրներ, մին մանր նոտրագիր, ՅՅ էջ, որուն վրայ դրուած է պիտակ մը շեղագիր՝ հետեւեալ խօսքերով. «Պատմութիւն խափանցոց ի գրուածոց Հ. Ղուկասու սերաս.». ասիկա համառօտ է և անտարակոյս հնագոյն քան միւսը՝ որու մասին դեռ պիտի խօսինք:

Հ. Ղ. Ալիշան «Սիսական»ի³ մէջ յետ ակնարկելու Շահումեանի ներկայութիւնը Վենետիկոյ մէջ 1736-7 թուականներուն, կ'աւելցնէ. «Արդ յայսմ ժամանակի թեւազրեալ է Ստեփանոս և տուեալ յերիւրել միոյ ի Հարց աշակերտաց Մխիթարայ, այն է Հ. Ղուկաս Ստեփանեան Սեբաստացի (վիճ. 1752 Սեպտ.) զՊՍՄՈՒԹԻՒԻՆ ՄԱՐՏԻՑ ՂԱՓԱՆԵՑԻՈՑ» և այս հաստատութիւնը իր կողմէ իբրեւ յայտնութիւն կը համարի անծանօթ անուան մը

1. Ինքնակենսագրութիւն Հ. Յովհաննէս Թովմածանի. էջ 15-17.

2. Որոնց երկրորդն էր կ'ըսէ «Ստեփան Մեղրեան կոստանդնուպոլսեցի, որ է այժմ Արքայ հայր և ար-

ժանտառանդ յաջորդ անմիջական Մխիթարայ վեհ բաժնուպետի. գոր Տէր հաստատ պահեստ և ընորհեստ մեզ ընդ երկայն աւուրս (Ինքնակենս. անդ, էջ 17).

3. Տե՛ս «Մեղրաժող» զուլիքը, էջ 300-301.